

Sermon
Kxf. Dr. Numlaajtsheb Yaaj

“Tus Tibbeeg Phem – Tus Tibneeg Zoo”

18th Sunday after Pentecost
St. Michaels and Our Savior Lutheran Church
10-8-17

Thov txoj koobhmooov, txoj kev hlub thiab txoj kev haumxeemb pub rau sawvdaws los ntawm Vajtsvv uas yog peb Leej Txiv uas yog peb tus Cawmseej Tswv Yexus Khetos. Asmees

Mathais 21:33 (34-46) “Hear another parable. There was a master of a house who planted a vineyard and put a fence around it and dug a winepress in it and built a tower and leased it to tenants, and went into another country – *Rov hais dua zaj lus pivtxwv. Muaj ibtug tswv vaj, nws xov tau ib lub vaj thiab cog txiv hmab rau hauv, nws khawb ib lub qhov tsuam txiv hmab thiab ua lub chaw tsomfaj zov thaib muab xaub rau tibneeg tu, thaib nws txawm mus rau lwm tebchaw lawm.*” (ESV) Nov yog Vajtsvv Txojlus. (Cross Reference – Nkauj Quaj Ntsuag 8:11, Yaxayas 5:1-2, Mathais 20:1; 21:28; 25:14-15, Malakaus 12:1, Lukas 20:9, Yauhas 15:1)

Illustration “Owners or Tenants” (Show landlord tenant problems)



Peb yog tus tswvtsev losyog tus tibneeg xaub lub tsev? Tus tswvtsev yog tus muaj cai. Tus xaub yuavtsum yog tus saibxyuas xwb. Yog haistias koj xaub tsev losyog xaub ib thaj av, koj yeej paub lawm haistias koj yuav ua raws li koj lub siab nyiam rau lub tsev losyog thaj av ntawd yeej tsis tau. Thaum koj yuav xaub koj thiab tus tswvtsev yeej tau coglus lawm haistias koj tsuas ua tau dabtsi rau lub tsev losyog thaj av uas koj xaub ntawd xwb. Tiamsis thaum twg, koj tsis ua raws li cov lus cogtseg lawm, thaum no, koj ua tsis ncajncees thiab txhaum txojcai lawm. “You have broken the promises – *koj rhuav txojkev coglus tseg lawm.*” Yog koj thiab tus tswvtsev sib hais tsis sibhaum, tej zaum

yuav muaj txojkev sibntxub, sib chim, sib foob thiab tej zaum tseem yuav ua mus txog qhov uas ib leeg yuav tua tau ib leeg thiab. (Show stealing)



Peb puas yuav ua li lwm haiv tibneeg uas yog lawv pom yam koom uas lawv nyiam xwb ces txawm tsis yog lawv li los lawv cia li muab nyiag nqa mus tsev lawm. Yog yam koom ntawd yog koj li nes, koj ho yuav xav li cas? Koj puas yuav xav haistias, koj mus muab luag ntawd kiaq es txeeb koj qhov koom rov qab los losyog koj yuav ua tibzoo hais. Ntau zaug yog koj tsis ceefaj, los ntawm tes dejnum uas koj ua ntawd losyog yam lus uas koj hais yuav ua rau tibneeg saib koj saib koj yog tus tibneeg phem losyog tus tibneeg zoo. (Show tenant assaulting landlord servant)

- I. Zajlus pivtxwv uas Yesus hais yog ib zaj qhia txog tus tibneeg uas ua phem. Cia peb muab ib nqi zujzus coj los mus txhais peb thiaj li totaub saib Yesus hais dabtsi tiag.



“When the season for fruit drew near, he sent his servants to the tenants to get his fruit. And the tenants took his servants and beat one, killed another, and stoned another. Again he sent other servants, more than the first. And they did the same to them – *Thaum txog lub caij de txiv hmab, nws txawm txib nws cov tubtxib mus sau cov txiv hmab uas yog nws tug los rau nws. Tiamsis cov tibneeg uas tu lub vaj txawm muab tus tswv cov tubtxib ntes, muab ib tug ntaus, muab ib tug tua thiab muab pobzeb ntaus ib tug. Tus tswv txib dua ib cov tubtxib coob dua thawj pab mus, cov tibneeg us tu lub vaj kuj ua phem rau cov tubtxib ntawd ib yam nkaus li thawj zaug thiab.*” (Mathais 21:34-36) (ESV) No yog piv txog Vajtsvv

txib nws cov tubtxib “**xibhwb thiab cov ntseeg Vajtsvw**” los mus tshajtawm Txojmoozoo rau tus uas tsis tau paub Vajtsvw. Peb saib keebkwm los txog niajhnub tamsim los zoo sisthooj li txheej thaum ub thiab. Cov xibhwb nrog rau cov ntseeg mus tshajtawm Vajtsvw Txojmoozoo thaum twg ces lawv tsuas yog raug tsimtxom, raug ntau, raug ntes, thiab muab lawv kaw rau tsev lojcuj losyog raug tua tuag vim lawv qhia txog Vajtsvw txojkev cawmdim.

(Illustration: Show pointing gun at men head)



Ron Carson (Truth that transform 10-2-08 - Dr. D James Kennedy radio show) piav txog thaum nws mus rau Thaibteb, nws ntsib ib tus xibhwb uas tau khiaj dim txojkev tsimtxom ntawm nyablaj tuaj rau Thaibteb. Tus xibhwb no piav txog haistias, thaum nyablaj liab tuaj muab lawv lub zos puav tag thiab muab nws tsev tibneeg ntes los khi uake. Cov nyablaj no nug tus xibhwb haistias, ‘***Yog koj tsis thim koj cov lus haistias koj yog tus ntseeg Vajtsvw no ces peb yuav muab koj tus tub no tua povtseg tamsim no.***’ Thaum no lawv tabtom twb rab phom rau nws tus tub lub taubhau. Nws tsev tibneeg sawvdaws nyuajsiab thiab quajheev.

Tiamsis uantej tus xibhwb no tseem yuav teb xwb nws tus tub teb kiag haistias, ‘***Kuv yeej tsis thim kuv txojkev ntseeg Vajtsvw li.***’ Thaum tus tub hais tagnrho xwb, nyablaj qib rab phom tua nws tus tub tuag tamsim ntawd.

(Illustration: Show pointing gun to a female head)



Lawv tig hlo mus taw nkaus rab phom rau nws tus pojniam. Lawv hais tibyam li qub. Yog nws lees tias nws tsis ntseeg thiab paub Vajtsvw li ces lawv yuav tsis tua nws tus pojniam. Tiamsis nws tus pojniam teb kiag tias ‘***Kuv yeej tsis thim kuv txojkev ntseeg Yexus Khetos li.***’ Thaum no lawv qib rab phom tua xibhwb tus pojniam tuag tamsim ntawd thiab. Vim haistias, tus xibhwb no yog txivnej, lawv muab saw hlau khi nws thiab coj nws mus kaw tau 7 xyoo ua rau nws tej npab tej kotaw uas raug sawhlaug khi ntawd ua cau pliav tag. Nws raug txojkev tsimtxom los ntawm nws txojkev ntseeg Vajtsvw. Tibneeg ntiajteb txojkev phem yuav muab hais los ntseg hais tsis tag rau txojkev tsimtxom cov ntseeg Vajtsvw. Cia peb saib ntxiv saib Yexus zajlus pivtxwv hais li cas ntxiv.

(Show killing the son)



“Finally he sent his son to them, saying, ‘They will respect my son.’³⁸ But when the tenants saw the son, they said to themselves, ‘This is the heir. Come, let us kill him and have his inheritance.’ And they took him and threw him out of the vineyard and killed him – *Thaum kawg tus tswv vaj haistias, ‘Lawv yuav hwm kuv tus tub.’ Tiamsis thaum cov tibneeg uas tu lub vaj pom tus tswv tus tub tuaj, lawv sib tham haistias, ‘Tus no yog tus tswv vaj tus tub, peb cia li muab nws tua povtseg, peb thiaj tau nws lub vaj!’*” (Show Jesus hanging on the cross)



Lawv txawm ntes kiag nws, muab nws thawb mus rau sab ntug vaj nraud thiab muab nws tua povtseg.” (Mathais 21:37-39) (ESV) Nqi no qhia rau peb haistias tibneeg lub siab xav ua li cas. Vim tibneeg poob rau txojkev txhaum uas yog lub txim. Tibneeg yeej rov mus cuag tsis tau Vajtsvw li, yog li ntawd, Vajtsvw hlb tibneeg ntiajteb kawg nkaus nws thiaj li txib kiag nws tus Tub uas yog peb tus Cawmseej Tswv Yexus Khetos los kiag rau lub ntiajteb no los cawm kom tibneeg rov mus tau rau ntawm Vajtsvw. Tiamsis thaum Yexus los txog, tibneeg tsis lees paub Yexus, lawv muab Yexus tua kiag dais saum tus ntoo khaublig.

(Show parable of the tenant)



Lub sijhawm Yexus hais zajlus pivtxwv txog cov uas tu lub vaj txiv hmab no yog hais rau haiv tibneeg “Jews – Yudais” cov thawjcoj nyob rau Yexus tiام. Vajtsvw yog tus tsim txhuayam thiab yog tus tswv ntawm txhuayam. Nws xaiv haiv tibneeg Yixalayees uas yog muab lawv los ua nws lub vaj txivhmab. Nws kom cov thawjcoj saibxyuas cov pejxeem uas yog tu lub vaj thiab kom lawv

sawvdaws mobsiab ntseeg Vajtsvv. (Show people killing the son)



Tiamsis lawv tsis ua li Vajtsvv hais. Vajtsvv xub txib cov xibhwb uantej los qhia Vajtsvv Txojlus rau lawv tiamsis lawv tsis lees txais yuav Vajtsvv Txojlus. Lawv ua phem ntau yam rau cov xibhwb ntawd. Yog li ntawd Vajtsvv thiaj li txib kiag nws tus Tub Yexus los, lo lawv tseem muab Vajtsvv tus Tub ntes thiab tua tuag. (Show Matthew 21:31)

II. Mathais 21:31 sau haistias,



"... Truly, I say to you, the tax collectors and the prostitutes go into the kingdom of God before you – Tseeb tiag, Kuv hais rau koj, cov sau se thiab cov niam ntiau mus rau Vajtsvv lub tebchaws uantej koj." Vim cov thawjcoj yeej tsis lees paub Vajtsvv Txojlus uas Yauhas tus muab tibneeg ua kevcai ntxuav tej lus qhia. Cov lus ntawd yog hais txog kom sawvdaws tig rov qab los "repent – lees" lawv tej kev txhaum. Lawv yuavtsum hloov lawv lub neej rov los ua tus tibneeg ncajncees. Saib cov tibneeg "tax collector and prostitute - sau se thiab cov niam ntiau," thaum lawv hnov Txojmoozoo tseeb lawm, Vajntsujplig Dawbhuv muab

lawv hloov los lees lawv tej kev txhaum thiab tig rov los ua tus tibneeg dawbhuv thiab ncajncees. Tiamsis cov povthawj hlob lawv tsis quavntsej mloog Vajtsvv tej lus samhwm qhia li. Vim lawv haistias, lawv yog cov tibneeg zoo, tsis yog tibneeg phem, lawv ua li lawv ua ces yog lawv ua rau Vajtsvv lawm.

Tibneeg niajhnub no los zoo li cov povthawj hlob nyob rau Yexus tiam thiab. Tsis ntev tas los no thaum kuv mus txhais lus rau ib tus kwvtij Hmoob Muas tus nws haistias, "Kuv muaj niam hlob niam yaus, kuv tsis tau ua phem dabtsi ces kuv tseem yog tibneeg zoo." Kuv ua tibzoo saib, nws twb tsis totaub tias txojkev txhaum yog dabtsi. Nws haistias, "Kuv tsis tau ua kev txhaum," lo no yog nws muaj ob tug niam, lawm, ces twb yog nws ua txhaum uas yog "committed adultery – deev lwm tus." (Show What is Sin?)




Thaum kuv kawm xibhwb tiav tag kuv mus xeem kev ua xibhwb ntawm lub tsev kawm ntawv qhia xibhwb "Concordia Seminary, St. Louis, MO," tus "professor xibhwb qhia ntawv" nug kuv tias, "Nej cov Hmoob uas yog cov tsis tau lawb dab puas paub lolus "Sin – Kev Txhaum" yog dabtsi? Kuv teb rau nws tias, yog muab hais tiag, cov tsis tau ntseeg Vajtsvv yeej tsis paub loslus "Sin – Kev Txhaum" yog dabtsi li. Lawv tsuas xav haistias, yog koj tsis tau "committed actual sin – ua kev txhaum tamsim ntawd" losyog yam me me xwb ces tsis yog kev txhaum. Nej sim saib yog koj ua txhaum txawm loj txawm me losyog koj puas yog tibneeg phem losyog tibneeg zoo? (Show James 2:10)




Txawm koj ua txhaum luaj txoj plaubhau xwb los yeej yog kev txhaum huv tibsi. Qhov no qhia tau tias koj tseem tsis tau yog tibneeg zoo. Yakanpaus sau haistias, "For whoever keeps the whole law but fails in one point has become guilty of all of it – Tus ua txhaum Vajtsvv txoj kevcai ib nqe xwb, ces kuj yog nws ua txhaum txhua nqe huv tibsi." (Yakanpaus 2:10) (ESV) Cov kwvtij, hnubno koj saib koj tus kheej saib koj yog tus tibneeg zoo losyog tus tibneeg phem? Koj yuav ua koj lub neej li cas thaum Vajtsvv rov qab los?

III. Zajlus pivtxwv kawg, "Yexus nug haistias, "When therefore the owner of the vineyard comes, what will he do to those tenants?" They said to him, "He will put those wretches to a miserable death and let out the vineyard to other tenants who will give him the fruits in their seasons." (Show Matthew 21:40-44)



Jesus said to them, "Have you never read in the Scriptures: "The stone that the builders rejected has become the cornerstone; this was the Lord's doing, and it is marvelous in our eyes"? Therefore I tell you, the kingdom of God will be taken away from you and given to a people producing its fruits. And the one who falls

on this stone will be broken to pieces; and when it falls on anyone, it will crush him – *Thaum tus tswv vaj rov qab los, nws yuav ua li cas rau cov tibneeg uas tu lub vaj ntawd?*” Lawv teb haistias, “*Nws yuav muab cov tibneeg siab phem uas tu lub vaj ntawd tua povtseg huv tibsi, thiab muab lub vaj ntawd rau lwm cov tu. Thaum txog lub caij faib txiv hmab, lawv yuav faib cov uas yog nws tug rau nws.*” Yexus hais rau lawv hasitias, “*Nej tsis tau nyeem Vajtsvv txojlus uas haistias, Lub pobzeb uas cov kws ua tsev muab povtseg, lub ntawd twb los ua lub thawj lawm. Qhov no yog tus tswv ua, peb pom li ntawd, peb xav tsis thoob li!*” Yexus hais ntxiv haistias, “*Kuv qhia rau nej haistias, Vajtsvv yuav muab nws lub Tebchaws tshem tawm ntawm nej mus rau ib haiv tibneeg uas mloog Vajtsvv lus. Yog leejtwg ntog tsoo lub pobzeb ntawd, tus ntawd lub cev yuav tawg tas, yog lub pobzeb ntawd poob los tsoo leejtwg, tus ntawd lub cev yuav ntsoog tas huv tibsi.*” (Mathais 21:40-44) ([Show wicked Tenants](#))



Cov kwvtij, koj pom koj tus kheej zoo li cas rau ntawm Vajtsvv? Vajtsvv tsim koj los nyob rau lub ntajteb no yog los tu nws lub vaj txivhmab kom nws yuav loj hlob txi txiv ncws, thaum kawg nws yuav rov qab los sau cov txiv ntawd. Thaum no yog nws yuav rov los coj koj mus nrog nws nyob saum ntuj ceebtsheej. Tiamsis yog koj ua tus tibneeg phem es tseem yuav txeeb Vajtsvv tug los ua koj tug, thaum kawg nws yuav txiavtxim zoo ib yam li Yexus haistias, “He will put those wretches to a miserable death and let out the vineyard to other tenants who will give him the fruits in their seasons – *Nws yuav muab cov tibneeg siab phem uas tu lub vaj ntawd tua povtseg huv tibsi, thiab muab lub vaj ntawd rau lwm cov tu. Thaum txog lub caij faib txiv hmab, lawv yuav faib cov uas yog nws tug rau nws.*” (Mathais 21:41) (ESV)

Muaj ib tus ntxhais thov nws txiv saib nws tsav lub tsheb mus xyuas football game puas tau? Nws txiv hais rau nws haistias, “Thaum koj mus saib game tag ces los yuav ib cov bread and milk thiab mab mam tsav tsheb thiab saib kev.” Thaum nws saib game yuav tag, nws mus nrog nws cov phoojywg party thiab haus dejcawv mentsi. Thaum nws rov los tsev, nws ua lub tsheb poob qabkev thiab ua lub tsheb ntawd tsoo puas tag. Zaum no nws xav haistias nws yog ib tus ntxhais phem heev vim nws tsis mloog nws txiv lus. ([Show I'm truly sorry](#))



Thaum nws los txog tsev nws txiv chim heev thiab tsis pub nws tsav tsheb ntxiv lawm. Tiamsis tus ntxhais no paub haistias, nws ua txhaum rau nws txiv loj kawg nkaus. Nws los thov txim thiab ‘confess - leestxim’ rau nws txiv tias nws tau ua txhaum. Tsis ntev ib asthiv tomqab xwb nws txiv rov muab tus yuamsij rau nws thiab hais rau nws haistias, “Yog koj rov tsav tsheb ces koj yuavtsum sojntsuan thiab saibxyuas kom zoo tsis txhab ua li qub ntxiv lawm.” Nov zoo sisthooj li thaum peb ua txhaum. Yog peb lees peb tej kev txhaum, Vajtsvv yog tus muaj lub siab dawb siab zoo thiab siab ncajncees, nws yuav zam peb tej kev txhaum ib yam li tus ntxhais leejtxiv tau zamtxim rau nws lawm. ([Show bad to best](#))



Thaum peb hnov Txojmoozoo nws tsis yog los muab peb khi rau ntawm txoj kevciai tiamsis nws yog los cawm peb. Vajntsujplig Dawbhuv yuav txhawb peb thiab coj peb txoj hauvkev kom peb tsis txhab ua tus tibneeg phem tiamsis rov los ua tus tibneeg zoo. Lub ntajteb no yog Vajtsvv lub Vaj. Cia peb ua tus pab tus. Nov yog peb zoo siab hlo lees thiab txais yuav Vajtsvv tus Tub uas yog peb tus Cawmseej Tswv Yexus Khetos. Txawm txojkev txhaum yuav niajhnub dagntxias peb kom peb mus ua phem los peb yeej kovyeej vim Vajntsujplig Dawbhuv yuav tivthaiv peb txhawb peb kom peb kovyeej txojkev phem los ua tus tibneeg zoo tshajplaws rau ntawm Tswv Yexus Khetos. Asmees.

Thov kom Vajtsvv txojlus pub rau peb sawvdaws totaub thiab tau nyob kajsiab lug rau ntawm Tswv Yesus Khetos lub npe. Asmees